

Ña kuu-yó ña ná koo va'a ini-yó

Ña ná kixáá-yó xí'in míi ña ntakani ini-yó yó'o kúnj-yu ka'an-yu xí'in-ún ña ná kuntú'ú koo va'a-ún, ná koo ntäku sata-ún, ra ná koo toso-ña.

Sana kuvi kuntú'ú koo-ún nuú iin tiayu á nuú yuvi. Ra vichin kuni kuíti na kúú ña túvi-ún míi táke'e, täxi-ún ña nii iin-ña ná sánti'i yó'o, ná ntoo nti'i ña sánti'i ña'á míi vichin, ra ná kuni kuíti-ún ña túvi-ún míi táke'e. Ra kuvi ki'in-ún kuénta ña íyo sava míi ña túvi-ún ikán ntítá'an-ña xí'in ña ntáki'in-ún tächí-ún. Ra vichin ki'in va'a kuénta ntáa kúú iin nuú túvi-ún nuú ntáki'in-ún va'a-ún tächí-ún, ra ña ikán kúú ña kuñú'u ini-ún xa'á. Kuvi kuni-ún ña nuú túvi-ún ntáki'in va'a ka-ún tächí-ún kúú xítin-ún á sukún-ún, á tixín-ún á ntiká va-ún, ra vichin kuni naxa kána xí'in ntí'vi tächí ini-ún, ra ntäsama-ún kuva ntáki'in-ún tächí-ún, chi míi kuva ntáki'in-ún tächí-ún saá ntaki'in va-ún-ña.

Ra míi nuú íntú'ú koo-ún yó'o ña ntáki'in-ún tächí-ún kuntié'e naxa ntáki'in-ún tächí-ún xí'in naxa táva-ún-ña. Ra ki'in kuénta ña ntáa iin sana vaxi ntákani ini-ún xa'á iinka ña'a á ña sánti'i yó'o á vaxi ña sánti'i ini-ún, á ntákani ini-ún xa'á iin ña kintoo kóníkuu-ún, ra ntákani ví ini-ún chi saá ña yá'a kúú va míi ña yó'o. Ra tá ki'in-ún kuénta ña kixáá ntákani ini-ún xa'á iinka ña'a, xiniñú'u ntikó tuku-ún kuntié'e-ún ña kúú míi táke'e tá ntáki'in-ún tächí-ún.

Ra ná koo táxín-ún kuu-ún míi ña yó'o iin too lo'o.

Ra xiniñú'u kuntié'e-ún naxa kuva ntáki'in-ún tächí-ún. Ra nti'i ichí tá ntákani ini-ún xa'á iinka ña'a nuú ka ña xintié'e-ún na kúú ña kúú xí'in ña ntáki'in-ún tächí-ún xiniñú'u kuë kuë sántikó-ún míi ña ntákani ini-ún ikán, ña ná kunj-ún na kúú ña kúú xí'in ña ntáki'in-ún tächí-ún. Ra ná koo tiáku ini-ún xí'in míi-ún tá too tá too.

Ra vichin kuvi kuni-ún na kúú nti'i ña túvi-ún, ra ntakoo ná ku'ün nti'i ña sánti'i ini-ún. Ra vichin kuni na kúú ña va'a kuu míi ña yó'o xí'in-ún, ña xintié'e-ún na kúú ña kúú xí'in ña ntáki'in-ún tächí-ún. Ra átu kúnj-ún ntäa kuvi ntakuni-ún míi-ún, ntäa kuvi kusjí ini-ún xí'in míi-ún xa'á ña xintié'e-ún na kúú ña kúú xí'in ña ntáki'in-ún tächí-ún. Ra ña kúnj-j ka'an-j xí'in kúú-ña ña ná kuu-ún míi ña yó'o nti'i tiempo ña kuvi kuu-ún-ña ña ná kuvi ntaki'in-ún ña va'a ña táxi táxi míi ña ntákani ini-ún yó'o nta'a-ún xa'á ña xintié'e-ún na kúú ña kúú xí'in ña ntáki'in-ún tächí-ún.